



Infurmaziun per purschidas reconuschidas da la tgira d'uffants complementara a la famiglia e per geniturs cun uffants en purschidas da tgira tenor la LTGU

Valaivel a partir dal 1. d'avust 2025 tenor il conclus da la Regenza dal chantun Grischun dals 22 d'avrigl 2025.

Tgira d'uffants complementara a la famiglia:

Custs normads, tariffas maximalas e dimensiun da las reducziuns dals custs


1. Finamira

Cun la revisiun da la Lescha davart la promoziun da la tgira d'uffants complementara a la famiglia en il chantun Grischun (LTGU; DG 548.300) rinforza il chantun la cumpatibilitad da la famiglia cun l'activitad da gudogn e promova il svilup dals uffants. L'execuziun da questa lescha vegn sustegnida tras l'applicaziun «quint». Las purschidas da la tgira d'uffants sco er ils geniturs survegnan in account en l'applicaziun.

Qua sutvart è resumads ils parameters finanzials ch'èn relevants per las purschidas da la tgira d'uffants e per las familias en il Grischun.

En cas da dumondas da chapientscha stain nus a disposiziun sut quint@soa.gr.ch ubain sut 081 257 53 96. Ulteriuras infurmaziuns chattais Vus sut: gr.ch/tgiraduffants

2. Situaziun da partenza en in'egliada



3. Custs normads sco basa da calculaziun

Tenor l'art. 6 al. 1 LTGU s'orienteschan ils custs normads a la media dals custs da las purschidas reconuschidas ed economicas da la tgira d'uffants complementara a la famiglia en il chantun, e quai tenor las calculaziuns dals custs examinads dals onns precedents.

Ils custs normads vegnan fixads da la Regenza per unitad da tgira ed uffant sco er graduads tenor la vegliadetgna da l'uffant. La graduaziun tenor vegliadetgna resguarda las pretensiuns a l'intensidad da tgira, perquai ch'i dovra dapli persunal per la tgira d'uffants pli giuvs.

La cumpensaziun da la chareschia da 0,7 % ed il svilup individual dals salaris dad 1,0 % – sco concludì dal Cussegl grond en la sessiun da december 2024 – èn vegnids resguardads sco valurs da referenza per fixar ils custs normads. Tenor la missiva da la Regenza (carnet nr. 5/2022–2023) èn ils custs normads plinavant vegnids auzads supplementarmain per 4,0 %, quai per indemnisar il svilup da la qualitat. A partir dal 1. d'avust 2025 importan ils custs normads pia 10.60 francs.

| Uffants a partir da 18 mais fin a l'entrada en scola primara (factur 1.0 dals CN*) | Uffants a partir da 3 fin 18 mais (factur 1.5) | Uffants a partir da l'entrada fin a la fin da la scola primara (factur 0.5) |
|---|---|--|
| 10.60 francs per ura da tgira | 15.90 francs per ura da tgira | 5.30 francs per ura da tgira |

*CN = *custs normads*

4. Tariffa maximala per las purschidas da tgira reconuschidas

Tenor l'art. 13 al. 3 LTGU fixescha la Regenza tariffas maximalas per las purschidas da tgira reconuschidas. Las tariffas maximalas vegnan fixadas cun la finamira d'evitar svilups extremes dals pretschs. Tenor l'art. 26 da l'Ordinaziun davart la tgira d'uffants complementara a la famiglia (OTGU; DG 548.310) correspundan las tariffas maximalas mintgamai a 150 % dals custs normads.

Per ina singula ura da tgira èn quai 15.90 francs per uffants a partir da 18 mais fin a l'entrada en scola primara, per uffants a partir da 3 mais fin 18 mais èn quai 23.85 francs e per uffants a partir da l'entrada en scola 7.95 francs.

Preschentadas en ina tabella resultan tenor l'art. 12 al. 2 OTGU las suandantas tariffas maximalas (arrundadas).

| | Uffants a partir da 18 mais fin a l'entrada en scola primara (factur 1.0 dals CN*) | Uffants a partir da 3 fin 18 mais (factur 1.5) | Uffants a partir da l'entrada fin a la fin da la scola primara (factur 0.5) |
|---------------------------------------|---|---|--|
| Entir di (11 uras) | 175 francs | 263 francs | 88 francs |
| Mez di cun temp da mezdi (7,7 uras) | 123 francs | 184 francs | 62 francs |
| Mez di senza temp da mezdi (5,5 uras) | 88 francs | 132 francs | 44 francs |
| Temp da mezdi (2,2 uras) | 35 francs | 53 francs | 18 francs |

5. Dimensiun da la reducziun dals custs tenor las entradas decisivas

Tenor l'art. 5 al. 4 LTGU fixescha la Regenza la graduaziun da la reducziun dals custs tenor las entradas decisivas, la procentuala da la reducziun minimala e maximala dals custs e las limitas da las entradas decisivas per la reducziun minimala e maximala dals custs.

Tenor l'art. 9 al. 1 OTGU importa la pli bassa reducziun dals custs 25 % dals custs normads e la limita da las entradas decisivas importa 130 000 francs. Tenor l'art. 9 al. 2 OTGU importa la pli auta reducziun dals custs 90 % dals custs normads e la limita da las entradas decisivas per tala è tar 40 000 francs. La graduaziun procentuala vegn concepida cun pass da mintgamai 3000 francs sco suonda:

| Entradas decisivas en francs | | Reducziun dals custs normads |
|------------------------------|--------|------------------------------|
| da | fin | |
| 0 | 39 999 | 90 % |
| 40 000 | 42 999 | 88 % |
| 43 000 | 45 999 | 86 % |
| 46 000 | 48 999 | 84 % |
| 49 000 | 51 999 | 82 % |
| 52 000 | 54 999 | 80 % |
| 55 000 | 57 999 | 77 % |
| 58 000 | 60 999 | 75 % |
| 61 000 | 63 999 | 73 % |
| 64 000 | 66 999 | 71 % |
| 67 000 | 69 999 | 69 % |
| 70 000 | 72 999 | 67 % |
| 73 000 | 75 999 | 65 % |
| 76 000 | 78 999 | 63 % |
| 79 000 | 81 999 | 61 % |
| 82 000 | 84 999 | 59 % |

| Entradas decisivas en francs | | Reducziun dals custs normads |
|------------------------------|---------|------------------------------|
| da | fin | |
| 85 000 | 87 999 | 56 % |
| 88 000 | 90 999 | 54 % |
| 91 000 | 93 999 | 52 % |
| 94 000 | 96 999 | 50 % |
| 97 000 | 99 999 | 48 % |
| 100 000 | 102 999 | 46 % |
| 103 000 | 105 999 | 44 % |
| 106 000 | 108 999 | 42 % |
| 109 000 | 111 999 | 40 % |
| 112 000 | 114 999 | 38 % |
| 115 000 | 117 999 | 35 % |
| 118 000 | 120 999 | 33 % |
| 121 000 | 123 999 | 31 % |
| 124 000 | 126 999 | 29 % |
| 127 000 | 129 999 | 27 % |
| 130 000 | ∞ | 25 % |

Cun agid d'in calculatur online pon ils geniturs vegnir a savair lur dretg da survegnir ina reducziun dals custs per la tgira d'uffants. Il calculatur stat a disposiziun sut il suandant link:

<https://quint.gr.ch/calculator>

